



UNIVERSITÄTS-
BIBLIOTHEK
PADERBORN

Universitätsbibliothek Paderborn

Der Hutterischen Widertaufer Taubenkobel

Fischer, Christoph Andreas

Jngolstatt, 1607

Ob es ein Abgötterey sey die Heyligen anzurüffen?

urn:nbn:de:hbz:466:1-32901

lung der Ungerechten vnd Sünder / als Hurer /
Ehebrecher / Schelter / Trunckenpoltz / Geizige / Ei-
gennützig / &c. vnd alle die da thun vnd reden die Lus-
gen / Ein Gemein Gottes / vnd gehören in auch nicht
an. **Rechen schafft** / fol. 37. b. & fol. 38. b.

Mit diesem Kott haben sich vor zeiten die Pelagia-
ni, als S. Aug. de hares. 88. meldet / wie auch zum theyl
die Hussiten ar. 1. 3. 6. besudlet / mit diesem haben sich
auch die Widertauffer wollen schön machen / damit
man sie rechte Glider der Kirchen auch hielte. Aber die
guten Herrn haben weit geschlet / denn S. Aug. an an-
gezogenen orth vnd Ioan. de Turrecremata in summa
de Eccl. lib. 1. c. 3. haben jnen also disen Kott in die Tas-
sen geriben / daß sie selber wol werden empfinden / sol-
ches sey ein stinckender Kott; vnangesehen daß die H.
Schrifte die Kirchen vergleicht einem Kornhaus /
daß der Herr wirdt segnen / vnd den Weizen samblen
inn seine Schwere / aber die Sprewer werde er
verbrennen mit vnausfleschlichem Sewe / vnd das auch
vil in die Kirche beruffen / aber wenig außgewehlet.

Math. 3.

Math. 22.

Tirulus
IX.

Was die Widertauffer von den Heiligen halten.

Ob es ein Abgötterey sey die Heyl-
gen anzurüffen?

Ja.

S Arumb ist es ein Abgötterey alles da der
Mensch hilffe suchet / es sey gleich bey den Heyl-
ligen / oder jrgendes bey einer andern Creatur /
denn

denn dadurch wirdt Gott seine Ehre entzogen. **Re-**
chenschaft / fol. 34.a.

Disen Wust haben verzetzet Vigilantius, Petro-
busiani, Pseudo Apostolici, wie Hieronymus aduer-
sus Vigilantium, Cluniacensis contra Heinricianos
vnd Bernardus in cantica serm. 66. anzeigen / wel-
chen die Widertauffer bald haben auffgeraffet / vnd
den in ihre Schrifften vnd Bücher als ein fürnemes
Heylichumb eingeleibet.

Aber was wil man lang sagen. Kott ist halt Kott/
vnd nichts mehr / welchen auch für solchen S. Ambro-
sius lib. de viduis, Bernard. in cantica serm. 66. Theo-
phylact. in cap. 11. Pauli haben erkennen / vnd darum
auch außgekehret vnd verworffen / sonderlich weil wir
in heyliger Schrifft finden / daß wir vns sollen wen-
den zu den Heyligen / vnd daß die Heyligen gleich wie
Onias der hohe Priester / vnd Hieremias / die schon
lengst waren gestorben / für das Jüdische Volck ha-
ben gebetten / auch für vns bitten.

Iob. 5.

2. Machab.
14. j

Was die Widertauffer von den
guten Wercken halten.

Titulus
X

Ob alle vnser Werck Sünden
seyn?
Ja.

Wir wissen daß alle vnser Werck so viel
als sie vnser seyn / nichts dann lauter Sünden
vnd vnrecht seyn. **Rechenschaft** / fol. 34.a.
Mit